



Inatsisartunut ilaasortaq Ruth Heilmann  
Siumut  
Maani

### § 37, 088/2012-imut akissuteqaat ikiaroorartut pillugit

Apeqqutitut qujavunga, isumaqartaalluinnarpungalu ikiaroorartunik atuinnermut tunngasutigut pinaveersaartitsineq sammissagatsigu. Matumani pingaartumik hashimik atornerluineq eqqarsaatigara.

Apeqqutinnut tunngavilersuutini uparuarpat pingaartumik naartusuni hashimik atornerluisoqarnera ernumanartoqartikkitt, kiisalu meeqqat amerligaluttuinnartut cigaretsinik pujortartatut, tamatumalu kingunerisaraa ikiaroorartunik atuilersarneq.

Qinersimavara apeqqutit siullit marluk ataatsimut akissuteqarfigissallugit, tassami 28. marts 2012 pineqartoq taannarpiaq pillugu § 37 naapertorlugu apeqqummut itinerusumik akissuteqaammik nassiussaqaarsimagama.

1. **Naalakkersuisut ikiaroorartumik nunatsinni akiuiniarnermut sutigut pinaveersaartitsinikkut suliniutaasunik annertusaanissamik eqqarsaatersuuteqarpat?**
2. **Anaanat naartusut hashimik atuisalersimanagerat aammalu meeqqat ukiukitsut misiliisalersimanagerat annertusiartorneragaasup qanoq Naalakkersuisunit tiguneqarpa, aammalu qanoq iliuseqarfiginiarneqarpa?**

Naalakkersuisut ikiaroorartunik atuinnermut sakkortusisamik pinaveersaartitsiniarlutik suliniuteqartuarput, minnerunngitsumik peqqinnerulersitsiniarluni sulinerup nukittorsarneqarnissaanik, tassuunalu qularnaarneqartussaavoq innuttaasut peqqinnartumik inooriaaseqarnissamik toqqaasarnissaat. Naalakkersuisut ikiaroorartunik atornerluinerup pinaveersaartinneqarnissaani nalinginnaasunik suliniutaat sukumiinerusumik allaaserineqarput § 37 naapertorlugu apeqqummut akissuteqaammi qulaani eqqaaneqartumi.

Arnat naartusut hashimik atuinnerat Naalakkersuisut ernumanartutut isigaat, erseqqissaatigineqassaarli kisitsisit tusagassiuutini arlalinni saqqummiunneqartut, tassalu naartusut 15%-ii hashimik atornerluisuusut, annertuumik nangaanartoqarmata, tassami kisitsisit atorlugit naatsorsueqqissaarnermi paasissutissanik tatiginartunik takutitsisuunngimmata.

Peqatigitillugu kisitsisitigut naatsorsueqqissaarnerit naapertorlugit tunngavissaqanngilaq oqaatigissallugu pujortartarneq meeqqat akornanni qaffariarsimasoq, tamatumani "Atuartut akornanni innuttaasut peqqissusiat" pillugu nalunaarusiarmi kisitsisit ilisimaneqartut kingullit aallaavigalugit. Nalunaaruslamili paasissutissat tunngavigalugit takuneqarsinnaavoq meeqqat akornanni pujortartarneq ajuu-saarnaraluartumik annikilleriarsimannngitsooq. Tikkuarpat kisitsisitigut naatsorsu-

12. april 2012  
Sagsnr. 2012-064034  
Dok. Nr. 868791

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

eqqissaarnikkut hash-imik atuinerup aamma pujortartarnerup akornani ataqtigiittoqartoq. Tamanna ilumoorpoq, kisiannili isumaqarani pujortartarnerup nammineq kingunerisaraa ikiaroorartunik atuilersarnek. Kisitsisitigut naatsorsueq-qissaarnikkut ataqtigiittoqarneranut pissutaanerpaasarpoq pujortartarnek aamma hashimik atuneq naammattoorneqartarmata inunni assigiinnik tunuliaqutaqartuni aamma atugassaqtitaasuni.

Hashimik aamma imigassamik atornerluinermik pinaveersaartitsilluni siumut sammisumik suliaqarnermut tunngatillugu innuttaasut peqqissuunissaannut pilersaarummik nutaamik sulineq aallartisarsimavara - Inuuneritta 2013 – 2018 - taannalu maannakkut Inuunerittamik nangitsinerussaaq.

Meeqqat, inuusuttut ilaqutariillu naammattoortagaanni ajornartorsiutit tunuliaqutaasut ilarujussuanniimmata imigassamik hashimillu atornerluinerit, Inuuneritta 2013 – 2018-ip ataani imigassamik aamma hashimik atornerluinerit pinaveersaartinneqarnissaasa ersarissarneqarnissaat immikkut sammineqassasut toqqarneqarsimavoq.

Inuunerittap naliliivigineqarnerani tikkuarneqarpoq pinaveersaartitsiniarluni suli-niuteqarneq qanoq iliorluni nukittorsarneqarsinnaanersoq. Ullumikkut kommunit akisussaaffigineqarpoq innuttaasunut sammisumik pinaveersaartitsineq, peq-qinnissaqarfimmiillu napparsimasunut sammisumik pinaveersaartitsineq akisussaaffigineqarluni. Naalackersuisunit Inuuneritta 2013 – 2018-imi anguniarniarparput Namminersorlutik Oqartussat akimorlugit qaninnerusumik suleqatigiinnissaq, aammalu pilersaarummi pineqartuni iliuusissat pillugit pisussaaffiliisumik kommunillu suleqatigiittoqalernissaa.

- 3. 2011-mi ukiakkut imigassaq pillugu Katuami inuppassuarnit peqataaffigineqartumik isumasioqatigiittoqarpoq. Taamanikkut peqataasunit maqaasineqarpoq sumilluunniit ikiaroorartuq eqqartorneqanngimmat, tamanna aappaatigut tupigusuutigineqarpoq, uffa ikiaroorartup nunatsinni atugaanera annertusiartuinnartoq. Killormuanik imigassamik atuneq anikilliarorneragaasoq. Naalackersuisulli neriorsuutigaa ikiaroorartumik atuneq pillugu taannaannaatillugulu isumasioqatigiittoqarumaartoq tamanna qaqugu piviusunngortinniarneqarpa?**

Imigassamik ikiaroorartunillu atornerluinerup kingunipilui assiigiinngitsorujussuusinnaapput. Ukiarmi ataatsimeersuarnermi imigassamik atuinitta sammineqarnera eqqarsarluarlunga toqqarpara. Imigassamik atornerluineq aalakoorniutigalugulu imeriaaserput innuttaasut peqqissuunissaannut suli ajornartorsiuterujussuupput, imigassamillu atueriaatsimut isummanik allanngortitsinissamut annertuumik suli pisariaqartitsisoqarluni, tamannarpiaavorlu ataatsimeersuarnermi sammineqartoq. Taamaattumik ataatsimeersuarnermut annertuumik soqutiginnineq tapersersuinerlu nuannaarutigeqaakka.

Ataatsimeersuarnermi neriorsuutigaara ataatsimeersuarnek malitseqartinniarlugu ikiaroorartut kisiisa sammillugit. Pilersaarutaavoq 2013-imi januarimi februarimiluunniit maani Nuummi ataatsimeersuortoqassasoq ikiaroorartunik atornerluineq pillugu.

Tamatta pinaveersaartitsinermut tunniussaqaarsinnaavugut. Taamaattumik ataatsimeersuarnerup qulequtarissavaa inuiaqatigiinni kikkulluunniit tamarmik qanoq iliorlutik suleqatigiissinnaanerat ikiaroorartumik atornerluineq pinaveersaartinniarlugu.

Inussiarnersumik inuulluaqqusillunga

  
Agathe Fontain



# SIUMUT Inatsisartuutitat

27. marts 2012

**Inatsisartut suleriaasiat § 37 1. naapertorlugu Naalackersuisunut apeqqut.**

- 1. Naalackersuisut ikiaroonartumik nunatsinni akiuniarnermut sutigut pinaveersaartitsinikkut suliniutaasunik annertusaanissamik eqqarsaatersuuteqarpat ?**
- 2. Anaanat naartusut hashimik atuisalersimanagerat aammalu meeqqat ukiukitsut misiliisalersimanagerat annertusiartoreragaasup qanoq Naalackersuisunit tiguneqarpa , aammalu qanoq iliuseqarfiginiarneqarpa?**
- 3. 2011-mi ukiakkut imigassaq pillugu Katuami inuppassuarnit peqataaffigineqartumik isumasioqatigiittoqarpoq .Taamanikkut peqataasunit maqaa-sineqarpoq sumilluunniit ikiaroonartoq eqqartorneqanngimmat,taman-na aappaatigut tupigusuutigineqarpoq, uffa ikiaroonartup nunatsinni atugaanera annertusiartuinnartoq. Killormuanik imigassamik atuineq annikilliarturneragaasoq. Naalackersuisulli neriorsuutigaa ikiaroonar-tumik atuineq pillugu taannaannaatillugulu isumasioqatigiittoqarumaar-toq tamanna qaqugu piviusunngortinniarneqarpa?**

(Inatsisartuni ilaasortaq Ruth Heilmann Siumut)

## **Tungavilersuut:**

Qanittukkut tusagassiuutitigut tusartinneqarpugut allaat anaanat naartusut ikiaroonartumik atuisunik ilaqalersimasut ,tamanna akueriuminaatsogaq iliuserisammi pinaveersaartitsinikkut naammassimanngitsut uani ersarissorujussuvoq. Taamatut ingerlasoqalerneka akiugassaavoq pisariaqartoq.

Aammalu meeqqat tupatorlut amerliartuinnavippunngooq aammalu ikiaroonartumik misilialersarput tupamik misiliisalerneka malitseqartumik,taamatut ingerlaaseqalerneq siunissamik kingunipiluttussaavoq inuiaqatigiinnut aki-sussaquisoq. Tupa nappaatinik malitseqartarmat kræfteqalerneka allatigullu peqqilliornemik,pingaartumik meeraanermit aallartittoqartalersimanagerup kingunerisassi ila aarlerinarluinnarput.